

Eersame discrete lieve bezondere Burgemeesters ende Regeerders der stede van der Goude. (Adres dat aan de achterzijde staat).

Eersame discrete lieve besondere,

Alsoe de Heere (al)machtig ons ve(r)gunt heeft die gunste, dat die stadt v(an) Leyden deur toedoen van (d)iverse scheepscapiteynen, die hen vro(melick) gequeten hebben, ontset (is) ende mitsdien wel verdient hebbe(n) tgunt hen respective voir soldije toegeseyt es,

Soe versoucken ende requireren wij uluyden ende bevelen wel expresse-licke mitsdesen aengesiens desen, denselven capiteynen van heurluyder soldye te contenteren ende vernuegen uuijte penningen die ghyluyden noch schuldig zijt van uluyden quote inde tzestich duysent croonen by de Staeten van Hollandt geaccordeert tot ontsettinge der voors. stede van Leyden, ende dat volgende dordonnantie, die ghyluyden van dezelve capiteynen over nemen zult met behoirlicke recepisse, ende zullen uluyden in reeckeninge gepasseert worden. Waeromme en zyt geensins inne gebreecke tgunt voors. es te volcommen omme alle disordre ende inconvenienten te schouwen.

Eersame Discrete lieve besondere Onze Heere God zy met u. —
Gescreven binnen der stede van Leyden den XIIIen Octobris 1574.

Uliden goede vriendt

GUILLE DE NASSAU.